

سليمة القزيرى

مالاخير

أشعار

صدرت الطبعة الأولى فى ديسمبر 2019

بطاقة الكتاب

عنوان المؤلف	ملاخير
المؤلف	سلمية القزيرى
التصنيف	أشعار
رقم الإيداع	2019-25938
الترقيم الدولي	978-977-6771-22-2
رقم الإصدار الداخلى	546 الطبعة الاولى ديسمبر 2019
عدد الصفحات	98 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 طينكاس: 2018

البريد الإلكتروني: nagyegy200064@gmail.com

البريد الإلكتروني: alnilwaalfourat@gmail.com

المنزل الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الد3 - عقار 304

مالاخير

مالاخير لا قدرت ننسى لا جديد اندير

نلقاني نهواك مالاخير

نلقاني غاويك

نلقاني ميت علي طاريك

لوكان نلقى ياعزيز انجيك

مانتركك لوايصر مهما ايصير

انت ليا

انت غلاي وماتهون عليا

لوكان غير اتمنا قسمية

وسط مملكتي اتعيش أمير

مالاخير

لاقدرت ننسى لا جديد انير

صدقني

صدقني لو كان اتحس
بفرحي واحزاني يا غالي
راك قاعد للروح ونس
وتتشد عن حالي واخوالي
ما تبعد عني واتغيب
راك ديما للعين قريب
انت عارف روحك يا حبيب
ما تغيبش لحظة عن بالي
صدقني لو كان اتحس
بفرحي واحزاني يا غالي
راك قاعد للروح ونس
وتتشد عن حالي واخوالي

عليا هفت

لا نوم جاني ولا الدمعه كفت
از عل خاطرى ذكرى عليا هفت
ذكرى ايام دلالي
ايام فرحتى وعزي ايام هنانا
تمن تراكينا اليوم خوالي
ياس وظلام محاورات اركانا
ماعاد يرجع كيف قبل وتالي
واللي تبدد ماتجي مليانا
دمعه غزيرا نازله شتوالي
لاقدرت ننھاها ولا هي كفت
عليا هفت

لأنوم جاني ولا الدمعه كفت
ازعل خاطري ذكرى عليا هفت

غلطان فحساباتك

تحسابني اندور عليك انجي
وتحسابني نرجاك لين اتجيني
غلطان فحساباتك

تحسابني نجدا
ونخسر عليك ادموعي
ماضي قديم وعدا
وتميت مش موضوعي
انت اخترت حياتك
اخسارة غرورك ضرك
اليوم الندم مايفيدك
شور المهالك جرک
اللي صار منك بيدك

تسابني نندم عليك
وندورك ونجيك
غلط ااااا فحساباتك

من غيرك

من غيرك يقدر يفهمني
وينشد عن حالي واحوالي
ياللي ديما متحملني
وراضي بخيالي واهبالي
بيدك تمسح دمت عيني
وقلبك بالحب ايناجيني
عيونك بالفرحة اتلاقيني
انشالله تسلمني ياغالي

في كل ليلة

في كل ليلة تذرفي ياعين
علي وضع كنا فيه مظلومين
والا عللي اليوم مفقودين
في كل ليلة تذرفي ياعين

تذرفي بغزارة
علي شاب عدا فالتراب تواراة
والا عاللي طاح بالطيارة
والا عللي فالحبوس سجين
في كل ليلة تذرفي ياعين

اذرفي بالدموع
علي وطن عدا للعدا مبيوع
وعلي طفل هارب فالبجر مفجوع

فبلاد غربه ينحكم مسكين
في كل ليله تذرفي ياعين

مابا ايجيهن نوم

مابا ايجيهن نوم
ولابن ايديرن عالعزيز اعزوم
لنظار رايفين
سامرات الليل
نرح دمعهن ماعاد لقين حيل
ظلم سماهن غاب نجم اسهيل
كاثر ابكاهن ماعليهن لوم
كمل ليلهن ماكفن
شارد نظرهن عالعزيز ايهفن
بعد غيببت اللي بالغلا موالفهن
سامرات يشالن كما المفطوم

مأبا ايجيهن

لا النوم ولا جاهن عزيز عليهن

قاهراتني وقيسه العزيز انسيهن

وعالصبر بايت امرهن محتوم

ماعاد عندي حيل

ماعاد عندي حيل
الدمع عيني مالمقيت بديل
كثرن احزاني ماعاد عندي حيل
ماعاد عندي صبر
كل يوم غالي يندفن في قبر
راح الكلام مني وجف الحبر
تمن ايامي كي ظلام الليل
ماعاد عندي حيل

الدنيا

الدنيا عندي ماتسوا
لوكان انت مائك فيها
تقعد غير عذاب وقسوا
ظلمه في كل لياليها
انت اللي امخليها جنه
ومعطرها ورد وحنه
نطلب من ربي انتمنه
نا عيني ماتغيب عليها
والله الدنيا ماتسوا
لوكان انت مائك فيها

كان الزمان ايعاود

كان الزمان ايعاود
ويعودن معاه اسنينى
لوكان عمرى ايعاود
نلقاه ويلاقينى
رانى ماعرفت احزان
ولا دمع ذرفت عينى
رانى القيت الود
ورانى القيت احساس
ورانى القيت حنين
ايضا عف حنين حنينى
رانى القيت غلا
ورانى القيت وفا

ورانی القیت اخلاص

عن کل شی یغنینی

ورانی القیت احضان

فیهن دفا وامان

ورانی القیت انسان

انشاکیه ویشاکینی

تجفئ اتغيب

تجفئ اتغيب تجاهل غلايا

انت هو الغالي يامنايا

حتى لو اتجافي

حبي لك في الوجدان خافي

يالوكان يوصلك اريافي

لي اتحن وادور ارضايا

حتى لو اتغيب

جوا القلب قاعد يالحبيب

انت هو لجروحي طبيب

غيرك راه مايداويش دايا

تجاهل ايامي

تقسى ليش واتجدد الامي

طيفك دوم حارمني منامي
يقهر في زايد في شقايا

يا غالى على

ياغالي علي
عندك قدر عندي مو شوي
وحق الله ياغالي علي
انت هو الغالي
يا مشكاي يافرحي ودلالي
انت هو اللي ساكن فبالى
في هالكون ما يسواك شي
جابهك لي ربي
لي دليل نعرف بيه دربي
لك مطراح قاعد وسط قلبي
كلا العين غيرك ماتبي

انت هو الحبيب
انت الخي اللي مني قريب
عمرک في مآدرتآ العيب
طول العمر نبقآلک وفي
وآق الله یآغآلی علی
عندک قدر عندی موشوی

خوذ غرامك

خوذ حبنا اللي كان خوذ غرامك
خوذ كل ذكرى عشتها وأحلامك
خوذ فرحتك و الحزن خوذ آلامك
فى شنطة سفر وارحل
وخوذ ايامك

خوذ ورودك
خوذ الرسائل خوذ كل وعودك
ماعاد يعنيني خلاص وجودك
لاعاد نقراهن حروف كلامك

أبعد بعيد عني
خللي المسافه بينا أميال
بنعيش متهني

ماعاد نبى للغلا موال
طريق النهايه واضحه قدامك
خوذ ايامك

مشكور يافنان

ارجوك ما تمثّل علي
وتقولي غلطان
عرفت عنك كل شي
مشكور يا فنان
انا اللي صدقت
وانت ضحكت علي
ماشى وراك ما حسبت
السيل يلعب ... بي
اتقنت دورك فالغدر
اصل الخيانة طبعك
مو حال انك مالبشر

وانك اكون انسان

مشكور يا فنان

ماعاد نبى عذر

ماعاد نبى عذر
حطيت رقمك في مكان الحظر
لاتهمني ولاعاد نبى عذر
ماعاد نبى اعدار
ولامعاك نبى نكمل المشوار
يكفيك كذب وغش ياغدار
صبري كمل ماعاد عندي صبر
لاتقوللي سامحني
اطلق سراحي فوتني ريحني
اللي صارمنك ياعزيز جرحني
في كسرتي ماعاد ينفع جبر

مادرتها فحسابي

مادرتها فحسابي

غيببت اللي هم عزوتي واحبابي
الحاجه اللي مادرتها فحسابي

مادرتها في بالي

غيببت اللي باني عليه امالي
نبكي عليه ودمعتي شتوالى
خالي مكانه اليوم زاد عذابي
الصبر منك يا كريم العالي
اتبرد النار الدايره لهلابي
اتفرج علي يارب تصلح حالي
يا الله صبرني علي غيابي

مادرتها فحسابي
غيبت اللي هم عزوتي واحبابي
الحاجه اللي مادرتها فحسابي

ليش رحلت

ليش,رحلت

ياللي علي سباك ياما درت
بعد حبنا اللي كان ليش رحلت
ليش انسييت

ليش يا حبيب الغدر في ارضيت
ياما علي شانك اسنين اشقيت
تسيب غلاي فيوم ما اصورت
بعد غيبتك كيف الخيال بقيت
ياما علي شانك الليل سهرت
ما تقول عمري فالحياة زهيت
ولا تقول غيرك يا عزيز نظرت
مرسول منك يا عزيز القيت

جايب جواب ايقوللي قصرت
تعافيت من جرحك خلاص ابريت
داويت روعي من خطاك قدرت
نسيتك مع غيرك هناي القيت
سألتك سؤال و ليش ما بررت
ليش رحلت
ياللي علي سباك ياما درت
بعد حبنا اللي كان ليش رحلت

رفعت الغطا

رفعت الغطا
تخايلت غالي
بونيابا مجالي
منها ما عاد نومي لفالي
رفعت الغطا
تخايلت زوله
يوما بطوله
ياناس لوكان نضمن وصوله
انعيش جالي
ندور عليه فوطانا خوالي
رفعت الغطا
خطرنا عليا

اياما هنيه
ما عمر ريت منه السيه
حامل اهبالى
خايف على من ريح القبالي
رفعت الغطا
حسيت ضيقه
فقلبي حريقه
طالب رجاءك فساعه قريبه
ربي العالي
الغايب ايعود انشوفه اقبالي

شفت الصورة

شفت الصورة
فيها قديمي كان لاعب كوره
قلبت فيسي اليوم
شفت الصورة
وين شفتها هزرتي
لا رحمت ولا ماوت ولا عتقتني
ليام عشقنا وغيائنا ردتني
بين القلب والعين صارت ثوره
العين ليام الغلا كربتني
والقلب دق وطول عدا شوره
ذكرى جميله للوهام خذتني
وعاود شريط العمر صوت وصوره
والعقل زادت لهفته كادتني
شور القديم معاي داير جوله
شفت الصورة
فيها قديمي كان لاعب كورة

عندك علم

عندك علم

حاير دأيلي معاك ما بين حرب وسلم

.. عندك علم

حرت معاك

زعم نتركك ننسى سريب غلاك

نبعد عليك انسيبه مدعاك

وايام السعاده معاك تبقي حلم

والا نواصل في رجاء دنواك

ونصبر علي سباك نحمل ظلم

يزهن ايامي يا عزيز معاك

كثرة جفاك معاي هم وألم

فوضت أمري

نريد نلحظه لو كان يوم فعمري
ندعي لرب الكون فوضت امري
ساهر ليلي
نغني لنجوم السما مواويلي
مشتاق للغالي وزاد حنيني
ميت عليه ارياف يالو يدري
فوضت امري
ندعي لرب الكون فوضت امري

حرام الهجر

حرام الهجر منك يامنائي
بعت برخص ونا اللي شاريك
انريدك دوم ياغالي احذاي
عندي عين منهاله عليك
وعندي قلب زايد في شقاي
فيه سكنت ينبض غير بيك
انريد الحن منك يازهاي
هجرك لي ما ينفعش بيك
نسيت النوم قليته هنائي
حرام عليك تشغلني عليك

خنت الغلا

خنت الغلا ماعاد نبي اعدار

ولاعاد نبي انكمله المشوار

خوذ اعدارك

عدي بروحك كمله مشوارك

خنت الغلا من بعد قلبي ختارك

ماعاد تنفع بي ياغدار

ولا ندورك لاعاد نوطه نارك

ولانك وليف العين مهما صار

لاتهمني لا ايشيلني تيارك

ولا نريد نسمع من قداك اخبار

عالمغالى امرایف

نجرى جرى عالمغالى مرایف

طایر طیر قاتلنى الحنین
کامى شوق منا لین خایف

ایصیر ارباک لو تشوفه العین
القیت عزیز متبهدل وصایف

برا الوطن غایب من سنین
جوا القلب شایلهن حسایف

ماللى صار متکدر حزین
موش عزیز اللى منا موالف

کامى سر فى قلبه دفین
القیت صحیح کى حالى مرایف

لکن فیه دمعہ فى العین
عنده حکى فى سره وخایف

منا كيف يبدالى منين
تمن غير دمعاتا ذرايف

غربة وطن وبعد الغاليين
عليم الله عندى العقل خالف

وكل الزين عندى تم شين
ردت فعل جتنى موش عارف

فراق وقهر نلقاها منين

زید غیابك

زید غیابك وزیدنی عذاب وقهر زید عذابك

یاللی شغلت العین

زید ادموعی

وزید لهفتی وشوقی وزید ولوعی

لهالیب نارك كابره فضلوعی

قاسی علی بالحل مانحسابك

زید اسقینی

علاثر غیابك هدنی مشقینی

بعد غیبتك ماعاد نامت عینی

دیما اتخایل جنبها تحسابك

انریده حنك

ونریدا غلاك وما انتخلا عنك

لو ریت سیه یالغالی منك

لا انعاتبك ولا نرید اعتابك

كنك امعايا يا حبيب كنك
 زايد علي عذاب فوق عذاب
 زيد اقهرني
 وزيدني عذاب وموح بيه اغمرني
 زيد ابهرني عذاب فيه لاتاوى ولا تعذرني
 غاوي ولازم غيتي تجبرني
 نصبر ويلزمني اني نشقابك
 نا مانحب الغدر لاتغدرني
 اقتلني ولا قولت الغير زهابك
 دفرني الوقت الشين لا تدفرني
 طايح وماسك في طرف جلبابك
 انريده حنانك يا عزيز اغمرني
 انهضني الوجه الله نا في بابك
 زيد عذابك وزيدني عذاب وقهر فوق عذابك
 ياللى شغلت العين

كانك عرفت اتفسر

كانك عرفت اتفسر

وكان قدرت توصل للخفايا

تبقى قدرت توصل للكنين

تبقى قدرت تقرانى قرايه

وتبقى وصلت للقلب الحزين

وكانك شفت دمه فى الميامى

وكان عرفت مصعبهن ايامى

تبقى وصلت للسر الدفين..

من غير معرفه

من غير معرفه حكينا

ومن غير معرفه هل الكلام وجانا

ومن غير معرفه بقلوبنا حسينا

ومن غير معرفه انكتين حروف هوانا

ومن غير معرفه عاود العمر اسنينا

ومن غير معرفه عادن ايام زهانا

من غير معرفه التقينا

ومن غير معرفه سخر الله سبحانه

من غير معرفه يالافى

من غير معرفه هل الهلال علينا

من غير معرفه بان الحنين الخافى

من غير معرفه نكشفن خفايا فينا

من غير معرفه شورك برم مجدافى

من غير معرفه بحرك وفيه رسينا

بعد غيبتك

رثاء على الاب

بعد غيبتك

كمل عيدنا احزان

يا فخر لنا

يا كبير الشأن

بعد غيبتك

كمل عيدنا احزان

يابات كل العيله

ياللى بعد نوحل انجى نشكيله

ايفرج علي بضحكته الجميله

يرتاح خاطري نقعد هني طربان

كمل عيدنا احزان

يا فخر لنا يا كبير الشأن

بعد غيبتك

كمل عيدنا احزان

يامينت الواشون

رثاء على الام
يامينت الواشون
ياصدر دافى ياقلب حنون
ياوداده
ياساده الميعاد يانشاده
ليلة فراقك دمعنى بداده
نعكسن ايامى وما عاد واتا عون
يم العيله
يوم فقدتك مالقيت من نشكيله
فى غيبتك يمي نعيش ذليله
نشوف القهاير كل شكل ولون
ياصباره ياغاليه زويلك اليوم تواره

ليلة فراقك كيف يوم الغاره
مالقبت من يسواك فى هالكون
الله يسامحك يمي ..ياشايله همي
ياذكرى عظيمه عايشه فى دمي

غير كيف نزل منك

غير كيف نزل منك
ياللي حواسي كلهن عشقتك
وأنت عدل الروح
غير كيف نزل منك

نا مانشيل عليك
رغم الخطا جيتك اندور فيك
ماشي نحمل يا حبيبي فيك
انت النفس مو حال نبعد عنك

حتى ان صار خطاك
عدي امسامح وكل شي افداك
ما يوم نحمل يا عزيز بلاك
ايحوسن انظارى كان ما شافناك

نا يا عزيز انريدك
ننسى الزعل ماتريد شى ايكيدك
الى صار لوبيدى ولاهو بيدك
ولافيه نية سو بينى وبينك
جيتك امسامح ماد ايدي ليدك
ننسو عذاب الجرح
ونشعل اشموع الفرخ
وترضى علي ونا نرضى عنك

غير كيف نزل منك
ياللى حواسى كلهن عشقتك

يا عيني افداك

اللى صار يا عيني فداك
اللى صار يا عيني فداك

ماللى كان ما يحمل بلاك
عارف قل نومك

ماللى صار مانقدر انلومك
انتى غير قويهن عزومك

كفي الدمع ماينفع بكاك
اللى صار يا عيني فداك

ماللى كان ما يحمل بلاك
عارف ليش نوحك

وعارف ليش تساطر جروحك
عنك غاب تمتى بروحك

ترجى فيه مليو عه بذاك
اللى صار ياعينى فذاك
ماللى كان ما يحمل بلاك
عارف يا ضليله

الماقى جم وهذوبك فتيله
انسى خير قتلك يا هبيله
عنادك راه زايد فى شقاك
اللى صار ياعينى فذاك
ماللى كان ما يحمل بلاك

ليش انخاف

ليش انخاف

ليش انخاف من غدر الزمان

وليش ايعيش حبك فى خفا

وليش انقول عالى كان كان

وليش انعيش فى بعد وجفا

ليش الحن منك ما بيان

يبقى لى البلسم والدوا

ليش ونا محتاج الامان

ليش ونا محتاج الدفا

ليش انخاف انضمك بلاحضان

وسط الناس كان صار اللقا

نلقانى متكدر

لقانى متكدر على مواجعى ما قدرت انبد

دمعى عالعين ايحدر

ينزل اتقول انهار مالا حد

ونا مالوجع تميت .لين مودر

تسطير جرحى كل ليل ايسد

عطيتك حياتى غير كان اتقدر

وما شفت منى غيرحن او ود

وغالى عليا فوق ماتصور

ومالقيت من يالاك غير الصد

انسيتك خلاص ماعاد فيك اندور

ولاعاد تلقى من احذايا رد

انسى سريبي وما على ادور

الى صار منك فى سد وبد

ياوقت كنك مايل

ياوقت كنك مايل

صبرى كمل وانا عليك نحايل

ياوقت كنك مايل

ياوقت حيلك حيلك

مايل علي كاثر عليا ميلك

هاجم على طالق عليا خيلك

رميت حيطى مائك عليا سايل

ياوقت كنك مايل

ياوقت ليش مخالف

عاكس علي وانت الحالى عارف

نعكسن ايامي فوق ما تخايل

ياوقت كنك مايل..

كان الزمان ايعاود

كان الزمان ايعاود
ويعودن معاه اسنينى
لوكان عمرى ايعاود
نلقاه ويلاقينى
رانى ماعرفت احزان
ولا دمع ذرفت عينى
رانى القيت الود
رانى القيت احساس
رانى القيت حنين
ايضا عف حنين حنينى
رانى القيت غلا
رانى القيت وفا
رانى القيت اخلاص
عن كل شى يغنينى
رانى القيت احضان

فيهن دفا وأمان
راني القيت انسان
انشاكيه ويشاكييني

ياعزيز افهمنى

ياعزيز افهمنى
رانى انعزك دوم ماتظلمنى
ياعزيز اعذرنى
قدر ظروفى قبل ما تقهرنى
تحمل اهبالي فوتني وسايرني
الى صار منى شى غصين عنى
ياعزيز وغالى
ياضى عينى وغنوتى وموالى
فاقد الفرحة وزهوتى ودلالى
خلك حنون وماتخيب ضنى
راه المحبه دوم موش اليالى
اغفر وسامح راك تزعل منى
ياعزيز افهمنى
رانى انعزك دوم ماتظلمنى

عطینی قدره

عطینی قدره
یارب یاعالی عطینی قدره
ننسی سیتہ وننسی جفاہ وغدره

ننسی الی حبیتہ
الی عشقته وکل شی عطیتہ
وین ماعلی الیوم بانت نیته
ابلیت بمرض ماظن منا نبره

ننسی الی غالانی
وین ما علیه اداولوا عدوانی
تباعد علی فی وسطهم خلانی
واختار نبقی فی حیاته ذکره

ننسی السبب فی جروحي
الی کان روحه عالقه فی روحی
منا انعانی فی سطیر اجرuchi
الی ایسلف الیوم یلقی بکره

مانى عارف

مازلت مانى عارف
نمشى فطريق غلاك والا نخالف
حاير دليلى معاك هذا حالى
نمشى معاك
بقلبى وروحي فى طريق غلاك
والا نتركك ونسيبه مدعاك
وقسمى ونصيبى عالكريم العالى
حاير دليلى معاك هذا حالى
حاولت ننسى صوبك
نمشى دروب كثار غير دروبك
ونزين بصوب خاطى صوبك
ننسى الماضى والحياة تحلالى

يانا اللى مختار
لهاليب نارك فى الكنين اكبار
رقن عزومي ونا اللى صبار
حامل لذيع النار ونقول يتهايالى

مازلت رانى جافى

مازلت رانى جافى

وومازال رانى خاطرى موصافى
وانتوا السبب فى مواجعي ياولافى

بعد كنت ماتحمل بعاد عليكم
بعد كنت ما نحمل السيه فيكم
بعد كنت نهزم فى اعداى عليكم
بعد كنت ديما انهاتى بيكم
تميت نضايق بعد نظريكم
انتوا اللى بعثوا ونا شاريكم
كان الغلا والعشق يثمر فيكم
لاهو أكفاى والا ردود سلافى

موبرادتی سیبتک

موبرادتی سیبتک
لا موجهه لاسیا
لاز علت لا عاتبتک
ترکتک ومو بیڈیا
جو بینا حسادنا
اتفقوا علیه عذابنا
حتی ان صار افراقنا
فی الدم تجری فی
مایوم نا ننساک
ذکری ایام غلاک
اتعوض علی ملقاک
ويعوض الله علیا

ناساكنه فى قلبك

قتلى ناساكنه فى قلبك
نافرحت نادانيتك
وشبهتني من كثر المحنه بأمك
اليوم وصلتني السيه منك
ناطالبه قريك
وانت مخليني بعيدة عنك
كانك حبيبي اليوم نطلب منك
انسى سريب غلاى
و كل يوم عشتا امعاى
لو برادتي لفراق لو بيديا
لومي على الايام والقسمية
برمن عليا باعدنى عنك

ياناللي قزون

ياناللي قزون

بعد غبتك ياللي على حنون

يانا اللي مجروح

يانا اللي تميت غير اندوح

كامي احزاني ما قدرت انبوح

من هو نحكيه وسرى ايصون

يانا اللي متموح

يانا اللي تميت غير انموح

غايب الغالي اللي عليه انروح

اللي كان ليا هو دوا لعيون

يانا اللي مشتاق

عيني اتدرف والعزوم ارقاق

لا صابره لاحامله لفراق
بعد غيبتك ما عاد واتا عون
ينا اللي كاميهها
لوعة احبابي وين نمشي بيها
لاقدرت نحملها ولا نظريها
فى وسط قلبى نا اللي مطعون
يانا اللي قزون
بعد غيبتك يالى علي حنون

وثقت عهد أمعاك

وثقت عهد أمعاك
ما نتركه مدعاك
وهنيت نفسي بمعرفتها بيك
انت اتصون غلاي
وانا أنصون غلاك

نبيك تبقى طيري
ونبيك ما تبقى وليف الغيري
ونبيك ما تشرب إلا من بيري
وطعم الغلا اندوقوه نا وياك

نبيك دوم أفهمني
ونبيك جنبي ماتخيب ضني
نبيك ديما ريشتك ترسمني
وترسم أحلامي في ربيع زهاك

انت غلاي وحيي
في ضيقتي نبيك توقف جنبي
انت عزوتي وانت رفيق الدربي
نبيك في وقت الفزع نلقاك
وثقت عهد أمعاك
مانتركه مدعاك

ياخوفي منك يادنيا

ياخوفي منك يادنيا
اتجي فى لحظة وتخونيني
تاخذي منى حبيب قلبي
وفى عز الفرحة اتبكييني
تاخذي منى اللى نهواه
ايجيني يوم وما نلقاه
يكمل عمري حزن وآه
فى هم وغم اتخلييني
خوفي منك يا فراقه
تخلييني اعاني فشواقه
وما نعرف للنوم مذاقه
كثر الدمعه تعمي عيني

خوفي منك يا غداره
نصبح فيك علي خباره
ايقولولي غاليك تواره
اتشقي قلبي وتهديني
ياخوفي منك يا دنيا
اتجي في لحظه وتخونيني

سبحان كيف اقدرت

سبحان كيف اقدرت
سبحانه علي ملقاي كيف صبرت
قويت عزمك كيف عني غبت
وما عاد منك لا خبر لا علم
انسيتا غلاى وما عليا سلت
خليتني ما بين صحو وحلم
ارضيت بالفراق وفي مافكرت
ليلي كمل ما بين دمع والم
اسنين المحبة فى دقيقة بعت
خليتني مصدوم عايش فلم
وحطمت قلبي دمعتي نزلت
حكمك علي كان كله ظلم

حرقة كني كبدتي مزقت
تميت عايش بين قهر وندم
سيات منك يا عزيز املت
صابر علي جرحي وداير عزم
لايوم نرحل عالحياء في صمت
سبحان كيف اقدرت
سبحانه علي ملقاي كيف صبرت

خلوها تفرح

بنغازي خلوها تفرح	مش ديمـا الحزن أمغطيها
ماتمت للفرحة مطرح	من كثرت فقد غواليها
ديروا حفلة ديروا مسرح	علو لافوق غناويها
غنوا غنوة للشهيد	هاللي من دمه راويها
غنو غنوة للجريح	هاللي بطرافه فاديها
ديروا بيت شعر فساحة	واسع مليان بخيرات
جيبوا فيه اتمور الواحة	زيدوه بسياسة وفتات

خير ابلادي ياما فيها

الذي الليبي امحليها	من جالوا والكفرة وهون
جرد وشنه زيد عليها	كاظ الملف مع الزبون

منظر للعين ايزهيا

بنت ابلادی حوت عليها تمشي قدامي بزها

الزي طرابلسي امليها جلوة وامعاها الرداء

وحنة منقوشة في اديها

العرس الليبي يجمعنا شرق وغرب مع الجنوب

مايقدر شي ايفرقنا فرحنا وصفينا لقلوب

والفرحة اشاركنا فيها

بنغازي خلوها تفرح مش ديمنا الحزن امغطيها

قول وعيد مع ليام هاذي بنغازي ياسادة

ديما رايتها السلام ديمنا مضيافه وودادة

حجب يامولاي عليها

نلقاني قصرت

نلقاني قصرت	وخذتني عنك اسهـايا
لكن والله ما غبت	فالعقل قاعـد معايا
اجواد منهم حـدرت	ركابة الخيـل جـرايا
اكرام كان وطنهم زرت	لقايت الضيف صبايا
نلقاني يوم جتيهم حـرت	حاجات صـارن معايا
العين كان شورهم شلت	نفـضحني وتكشـف خطايا
صببت والنار قابلت	حسيتها كبرت معايا
وخرت عنها وخفت	ايحسوها الى احدايا
والقلب لودرت مادرت	للصوب امسلم الرايـه
نلقاني فيكم شهدـت	انكم رجال فيكم جميع المزايا

1 - مساجلة شعرية بين الشعارين

سليمة القزيرى و الشاعر الغنائي ابوبكر العبار

ابوبكر العبار

كنت حبيبي ومالي عيني
..وشاغل تفكيري ابغلاك.. وفي بُعدك يزداد حنيني
..ونشتاق الساعة ملقاك
..وكنت امعاك حنون ودافي
..وعمرى مافكرت انجافي
..لأنحاول لحظه ننساك
كنت كنت كنت حبيبي ومالي عيني..وشاغل تفكيري
.....ابغلاك
الشاعر الغنائي بوبكر العبار

سليمة القزيري

ديما كنت حبيب قلبي
فرحان بقربي يالاك
مانقدر في يوم انخبي
لولحظة شوقي الغلاك
انت هو اللي يايليا
انت هو جرحي ودوايا
مستحيل انعيش بلاك
كنت حبيبي ومالي عيني
وشاغل تفكيري بهواك

2 - مساجلة شعرية بين الشعارين

سليمة القزيرى و الشاعر هيثم الصبيحى

هيثم الصبيحى

... ماتعيني

ومائك اللي وقت العطش تسقيني

خلاص انتهاء كل شي ماتعيني

ماتشغلني

ومائك اللي وقت الجفا شاغلني

... وماتعاملك بالحن لاتعاملني

ماخنتني لوكانك تبيني

عابي عليك تصون وتدللني

ماحسبت غدرك في الغلا تهديني

..... ماتعيني

سليمة القزيري

مانك اللي في بالي
ومانك اللي نلقى معاك دلالي
ولانك اللي نحقق معاك آمالي
ولانك اللي تفرحني ولا تزهيني
ولا نا انريد نقولك ياغالي
ولانك اللي توا حبيب عيني
اترك سبيلي فوتني في حالي
نريد راحتك منك عقاب سنيني

3 - مساجلة شعرية بين الشعارين

سليمة القزيري و الشاعر علي ابورفلي

علي ابورفلي

مهموم نرجى عالشطوط رمية

بعد غيبتك .. بالك اتبان عليا

عليا التوق

ينبض حنينك في خفا لعروق

ونبقو غوالي عاشق ومعشوق

والعمر خوزه ياعزيز هديه

سليمة القزيرى

بالك علي اتبان

وبالك انردوا كي ايام زمان

اتعاود الفرحة والغلا للى كان

ردت الروح مع رجوعك ليا

انشوفك لافى

اتحرك احساسى والحنين الخافى

مشتاقلك زايد عليك اريافى

ياقرعتى ياللى عزيز عليا

مهموم نرجى عالشطوك رميه

بعد غيبتك ..بالك اتبان عليا

الشاعر على ابورفلى والشاعره سليمة القزيرى

4 - مساجلة شعرية بين الشعارين

سليمة القزيري و الشاعر بشير عبد النبي الهتش

بشير عبد النبي الهتش

خبيت ظني فيك بيش اتسالة..
الخاطر كسرتة يا قليل الخير..
كسر الخواطر كسر مو من ياله..
لا ايلايمة تطيب لا تجبير..
والي علي ايلوم ما ناباله..
والقيت الجافاك وقسوتك تبرير..
شامت ايجيني في طرف ساواله..
ملت من ملام الناس والتعزير..
اطلوق بعنتي للياس بيع قبالة..
يابو امنس عالكتوف حرير..
قليل وين من كيفك مكانك طاله..
درتك علم مائك مثيل الغير..
بالله قولي بالله من ياباله..
طبعك القاسي هيت كيف بشير..
اجبرته عليها جبر كب اشواله..
قدام كالح والي ايصير ايصير..
القصيدة للشاعر بشير عبد النبي الهتش

سليمة القزيري

ضني خاب

نقعد بعيد اليوم هكي خير

لاينفع كلام امعاك لاعتاب

وكسرت خاطر مالها تجبير

حتى وعني ينشدوا لصحاب

عليهم انواري خوف مالتعزير

والياس حايزني ورد الباب

حالف علي ماعاد ننظر خير

ايش درت فيا يانظيف الناب

يابو ابو مسفى عالكثوف حرير

انعاود انقول فيك ضني خاب

وانك قليل الخير ملاخير

5 - مساجلة شعرية بين الشعارين

سليمة القزيري و الشاعر جبر الصبيحي

جبر الصبيحي

قال الشاعر جبر الصبيحي
لا نريد صوب ولا نريد محنة
نريد وطن يا صاحب انقول تهني
مانريد غوالي
نريد راحتي في الوطن زاهي بالي
متهني وعاش رايقات احوالي
هذا ما نريدة وكل ما انتمنى

سليمة القزيري

مانريد احباب
نريد وطن متعافى وجرحه طاب
يبرا جريحه ويرجع اللى غاب
ويدخل شهيدا فى فسيح الجنه
لانريد صوب ولا نريد محنه
نريد وطن ياصاحب انقول تهنى

من غير معرفة

من غير معرفه حكينا .. ومن غير معرفه هل الكلام وجانا

ومن غير معرفه بقلوبنا حسينا.. ومن غير معرفه انكتبنا

حروف هوانا

ومن غير معرفه عاود العمر اسنينا .. ومن غير معرفه عادن

ايام زهانا

من غير معرفه التقينا.. ومن غير معرفه سخر الله سبحانه

من غير معرفه يالافى .. من غير معرفه هل الهلال علينا

من غير معرفه بان الحنين الخافى .. من غير معرفه نكشفن

خفايا فينا

من غير معرفه شورك برم مجدافى .. من غير معرفه بحرك

وفيه رسينا

رد من الشاعر مفتاح الفالح

من غير معرفه فعلاً حصل يازينا
من غير معرفه صار النقاش خذانا
من غير معرفه ممكن دواخل فينا
من غير معرفه لمن اولقين خانا
من غير معرفه ياعارفه خلينا
من غير معرفه بالك ايكون هنانا

تكملة منى على راس بيت للشاعر بوبكر بوحويه

مغير كلام خلك مالكلام

انقتلك درت فى غيابك عزام

مغير دواوى خلك مالدواوى

لاندير عزم ولا غيابك ناوى

نا عاشقك ياللى كنينى كاوى

اندرت عزم غى غيابك حرام

امغير كلام خلك مالكلام

انقتلك درت فى غيابك عزام

مغير سهارى خلك مالسهارى

لاندير عزم ولا غلاك اندارى

هايم بيك شاغلهن افكارى

وطيفك دوم حارمنى المنام

امغير كلام خلك مالكلام

انقتلك درت فى غيابك عزام

امغير هبال خلك مالهبال

ان درت عزم فى غيبتك موحال

كنت معاك عايش فى دلال

اليوم غلاك تمالى اوهام

امغير كلام خلك مالكلام

انقتلك درت فى غيابك عزام

مغير انكابر

لاندير عزم ولا فراقك قادر

فى غيبتك تميت مانى صابر

انهالن انظارى ما علي ملام

امغير كلام خلك مالكلام

انقتلك درت فى غيابك عزام

ما تضايق

مساجلة شعرية بين الشعارين
سليمة القزيرى و الشاعر مريض النعاس

سليمة القزيرى

ماتضايق حال

غايتى ديما انشوفك رايق

ليش الزعل يازين ماتضايق
ليش الدمعه تنزل مالعيون

وليش الضيقه توصل المليون
خليها عالله وكل شى ايهون.. يرتاح قلبك ويصبح مزاجك
رايق

ليش الضيق

كان زعلك صاحب ولا جفاك رفيق
والا حبيبك جاك منا عيب ..سامح وصفى نيتك
انسى الزعل حتى الجار يفارق

مريض النعاس

وين الروقة

أونا العقل عندي ضايقات خلوقة
مرن عليه أحداث مي مطلوقة

أهموم أبعضهن لاحقات لحايق
سايقات يا منارة سوق ملة سوقة

منهن حيارة واجدين خلائق
مو امغير نحنا هذي مي مسبوقة

جديدة الها مغزى اوفيه طرايق
أحذاها يجن تمويه غفلة بوقة

أدجيلك بسرعة وانت مانك فايق

بلادي الحبيبه

انتي حزن نزل انجيه انضمه
ياللي بجمالك شامخة فالقمه

مسمح العيشة فيك
ياما حكينا من اشعار عليك
انتي عروس امخضبات ايديك
اللي نال حزنك نال ما ايتمنه

انتي روي
انتي زهاي انتي دوا لجروحي
انتي عليك انغيب يكثر نوي

ونقعد كما ليّتم فآقد لمه

انتى اقلب حنون

انتى بجمالك فايته هالكون

انتى على شانك الروح اتهون

مسمح اترابك نحضنه ونشمه

السيرة الذاتية



دبلوم عالي في العلوم الادارية

من الرعيل الأول في الضيافة الجوية

مراسلة بصحيفة الحقيقة

رئيس تحرير صحيفة الوطن

مدير تحرير صحيفة الساحة

رئيس تحرير صحيفة صدى المستقبل

نائب المدير العام بقناة المنتدى الفضائية
سكرتير تحرير مجلة الاولى
رئيس تحرير صحيفة افانين
خبرة في مجال العمل الاجتماعي لأكثر من 26 عام
شاعرة صدر لي ديوانين في الشعر العامي
باحثة في التراث الشعبي
شاركت في تقديم عديد البرامج المسموعة
رئيس مجلس ادارة منظمة صدى المستقبل الاعلامية
نائب رئيس اتحاد المثقفين العرب بليبيا
شاركت في العديد من الندوات والمؤتمرات
ساهمت في العديد من منظمات المجتمع المدني
عضو ومدير لمكتب الاعلام في اللجنة الوطنية للعمل
التطوعي فرع البركة
مدرسة لتعليم القيادة للنساء ولدي مدرسة لتعليم القيادة

محتوى الكتاب

2	بطاقة الكتاب
3	ملاخير
4	صدقنى
5	عليا هفت
7	غلطان فحساباتك
9	من غيرك
10	فى كل ليلة
12	مابا ايجبهن نوم
14	ما عاد عندى حيل
15	الدنيا
16	كان الزمان ايعاود
18	تجفى اتغيب
20	ياغالى على
22	خوذ غرامك
24	مشكور يافنان
26	ما عاد نبى عذر
27	مادرتها فحسابى
29	ليش رحلت

- 31 رفعت الغطا
- 33 شفت الصورة
- 34 عندك علم
- 35 فوضت أمرى
- 36 حرام الهجر
- 37 خنت الغلا
- 38 عالغالى امرايف
- 40 زيد غيابك
- 42 كانك عرفت اتفسر
- 43 من غير معرفه
- 44 بعد غيبتك
- 45 يامينت الواشون
- 47 غير كيف نزل منك
- 49 يا عينى افداك
- 51 ليش انخاف
- 52 نلقانى متكدر
- 53 يا وقت كنك مايل
- 54 كان الزمان ايعاود
- 56 ياعزيز افهمنى
- 57 عطيني قدرة

58	 ماني عارف
60	 مازلت راني جافى
61	 مو برادتي سيبتك
62	 ناساكنه فى قلبك
63	 يانت للى قزون
65	 وشفت عهدى أمعاك
67	 يا خوفى منك يا دنيا
69	 سبجان كيف اقدرت
71	 خلوها تفرح
73	 نلقانى قصرت
74	1 - مساجلة شعرية مع الشاعر أبو بكر العبار
76	2 - مساجلة شعرية مع الشاعر هيثم الصبيحى
78	3 - مساجلة شعرية مع الشاعر على أبو دخلى
80	4 - مساجلة شعرية مع الشاعر بشير عبد النبى الهتش
82	5 - مساجلة شعرية مع الشاعر جبر الصبيحى
84	 من غير معرفة
85	 رد من الشاعر مفتاح الفالح
86	 تكملة على رأس بيت للشاعر بوبكر بو حوية
88	 ماتضايق
89	 بلادى الحبيبة

92		السيرة الذاتية
94		محتوى الكتاب